

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

ইউএসএআইডি/বাংলাদেশ খাদ্য নিরাপত্তা ও কৃষি উন্নয়নের ওপর কর্মশালার আয়োজন করলো

ঢাকা, ৫ই অক্টোবর -- খাদ্য নিরাপত্তা ও কৃষি উন্নয়ন সংশ্লিষ্ট গুরুত্বপূর্ণ বিষয়াদি ত্বরান্বিত করা ও সেগুলোর প্রসারের লক্ষ্যে বেসরকারি খাত, শিক্ষাখাত ও উন্নয়ন সংস্থার ১৫০ জন প্রতিনিধির অংশগ্রহণে ‘ইউএসএআইডি’ বাংলাদেশ গত ৪ঠা অক্টোবর দুইদিনব্যাপী একটি কর্মশালার আয়োজন করে। ‘এনহ্যাসিং ফুড সিকিউরিটি ইন বাংলাদেশ: অভিডেন ফর অ্যাকশন’ শীর্ষক এই আয়োজনের উদ্বোধন করেন মাননীয় খাদ্য ও দুর্যোগ ব্যবস্থাপনা মন্ত্রী ড. এম.এ. রাজাক। ইউএসএআইডি’র নীতি গবেষণা ও কৌশল সহায়তা (পলিসি রিসার্চ এন্ড স্ট্র্যাটেজি সাপোর্ট) কর্মসূচির আওতায় এই কর্মশালার আয়োজন করা হয়।

‘ইউএসএআইডি’র এক কোটি ২০ লক্ষ ডলার অর্থায়নপূর্ণ পলিসি রিসার্চ এন্ড স্ট্র্যাটেজি সাপোর্ট কর্মসূচির লক্ষ্য হলো বাংলাদেশের খাদ্য নিরাপত্তা ও কৃষি উন্নয়ন বিষয়ক গবেষণাগুলোতে বিদ্যমান জ্ঞান ও অভিজ্ঞতা সংশ্লিষ্ট শূন্যতাগুলো পূরণ করতে ব্যবহারিক গবেষণার প্রয়োগ করা। কৃষিখাতে নীতিমালা উন্নয়নে পর্যালোচনা ও সহায়তার লক্ষ্যে ‘ইউএসএআইডি’ এই প্রকল্পের মাধ্যমে বাংলাদেশ সরকারের মন্ত্রণালয়গুলোর সঙ্গে এবং ব্র্যাক, বাংলাদেশ কৃষি বিশ্ববিদ্যালয় ও বাংলাদেশ ইনসিটিউট ফর ডেভেলপমেন্ট স্টাডিজ (বিআইডিএস)-এর মতো গবেষণা ও শিক্ষা ব্যবস্থাপনা প্রতিষ্ঠানসমূহের সঙ্গে কাজ করে। ‘ইউএসএআইডি’ বাংলাদেশ সরকারের নীতিমালা প্রণয়ন প্রক্রিয়ায় সহায়তা করার পাশাপাশি নীতিমালা সংশ্লিষ্ট সংলাপে উৎসাহিত করে এবং বাংলাদেশ সরকারের মন্ত্রণালয় ও অন্যান্য অংশীদারদের প্রমাণ নির্ভর গবেষণার ফলাফল সম্বন্ধে অবগত করে।

কৃষি উন্নয়ন বিষয়ক বিষয়াদি আরো এগিয়ে নিতে এবং দুর্যোগ ব্যবস্থাপনা ও প্রস্তুতি প্রক্রিয়ার সামর্থ্য গড়ে তুলতে ‘ইউএসএআইডি’ এই কর্মশালার মাধ্যমে সুশীল সমাজ, শিক্ষাবিদ ও পদ্ধতিগণের পরামর্শ ও নির্দেশ তুলে ধরে। অক্টোবর ২০১১ এর মধ্যে ‘ইউএসএআইডি’ বীজ ব্যবস্থাপনা, সার বিষয়ক সমস্যা ও জমির

মালিকানা সংশ্লিষ্ট নীতিমালা প্রণয়নের উদ্যোগের নকশা নিরূপণ করবে যাতে জাতীয় সরকারের নিকট সেটা তুলে ধরা যায়।

অতীতে, কৃষি উন্নয়ন ও বাজার প্রক্রিয়া সংশ্লিষ্ট গুরুত্বপূর্ণ নীতি পরিবর্তন উদ্যোগে ‘ইউএসএআইডি’ বাংলাদেশ সরকারকে সহায়তা প্রদান করেছে। উদাহরণস্বরূপ, ১০দশকের শেষভাগে চাল, ভুট্টা ও গম আমদানির অধিকার কেবল বাংলাদেশ সরকার পর্যন্তই সীমাবদ্ধ ছিলো। ‘ইউএসএআইডি’র জাতীয় খাদ্য নীতি প্রকল্পের মাধ্যমে স্বাধীন বাণিজ্য প্রক্রিয়ার সুত্রপাত ঘটে এবং ফলস্বরূপ, বেসরকারি আমদানিকারকরাও চাল ও অন্যান্য খাদ্যশস্য আমদানি করার সুযোগ পায়। অতীত সাফল্যসমূহের ওপর নির্ভর করে সেপ্টেম্বর ২০১৪-এর মধ্যে চিহ্নিত এলাকাগুলোতে ‘ইউএসএআইডি’ খাদ্য উৎপাদন বৃদ্ধি করতে, ভূমকির সম্মুখীন গোষ্ঠীসমূহের পুষ্টি বৃদ্ধি করতে, পল্লী ও নগর অঞ্চলের দরিদ্রদের আয় বৃদ্ধি করতে এবং এবং ভবিষ্যত খাদ্য নীতি পর্যালোচনার জন্য বাংলাদেশের মূল প্রতিষ্ঠানসমূহের সামর্থ্য বৃদ্ধি করতে পারবে বলে আশা করে।

যুক্তরাষ্ট্র সরকার ‘ইউএসএআইডি’র মাধ্যমে বাংলাদেশের মানুষ বিশেষত হতদরিদ্রদের জীবনমান উন্নয়নে কাজ করে যাচ্ছে। ‘ইউএসএআইডি’ বাংলাদেশে পাঁচটি বৃহত্তর ক্ষেত্রে কর্মসূচি পরিচালনা করছে -- স্বাস্থ্য ও প্রাক-প্রাথমিক শিক্ষার উন্নয়ন, গ্রামীণ দরিদ্র জনগোষ্ঠীর জন্য আয়ের সুযোগ সৃষ্টি, সুশাসনের জন্য সহায়তা, খাদ্য নিরাপত্তা বৃদ্ধি এবং দুর্যোগ মোকাবেলা ও প্রাকৃতিক দুর্যোগ পরবর্তী জরুরী সহায়তায়। যুক্তরাষ্ট্র সরকার ১৯৭১ সাল থেকে বাংলাদেশকে এ পর্যন্ত শে’ ৮০ কোটি ডলারেরও বেশি সহায়তা প্রদান করেছে।

=====

জিআর/ ২০১১

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৮, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।